



Broj: 05/1-50-13-26-38-3/17
Sarajevo, 6.11.2017.

ZAPISNIK

38. sjednice Nezavisnog odbora Parlamentarne skupštine BiH

Sjednica je održana 6.11.2017., s početkom u 17 sati.

Sjednicu je sazvala Tatjana Klječanin-Martić, predsjednica Nezavisnog odbora.

PRISUTNI ČLANOVI NEZAVISNOG ODBORA: Tatjana Klječanin-Martić, predsjednica Nezavisnog odbora, Enes Obralija, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić-Jusufbašić, Adisa Begić, Nikola Džambas, Mate Miletić, Ljubomir Kuravica i Vladimir Jurišić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednici je prisustvovao i Uroš Pena, zamjenik direktora Direkcije za koordinaciju policijskih tijela BiH.

Sjednicu su pratili i Zoran Brkić iz Sektora za odnose s javnošću Sekretarijata Parlamentarne skupštine BiH te Dijana Šatara i Senad Zlatar, predstavnici OHR-a.

Sjednicom je predsjedavala Tatjana Klječanin-Martić, predsjednica Nezavisnog odbora.

Konstatirajući da postoji kvorum za rad, otvorila je 38. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći:

DNEVNI RED

1. Usvajanje Zapisnika 37. sjednice Nezavisnog odbora;

2. Informacija Direkcije za koordinaciju policijskih tijela BiH, broj: 20-02/1-07-6-614-13/17, od 19.9.2017., a zaprimljena u Pisarnici Parlamentarne skupštine BiH 20.9.2017., broj: 05/1-50-17-2268/17;
3. Tekuća pitanja.

Ad.1. Usvajanje Zapisnika 37. sjednice Nezavisnog odbora

Zapisnik 37. sjednice Nezavisnog odbora jednoglasno je usvojen, bez primjedbi.

Ad.2. Informacija Direkcije za koordinaciju policijskih tijela BiH, broj: 20-02/1-07-6-614-13/17, od 19.9.2017., a zaprimljena u Pisarnici Parlamentarne skupštine BiH 20.9.2017., broj: 05/1-50-17-2268/17

U uvodu u ovu tačku dnevnog reda predsjednica Nezavisnog odbora Tatjana Klječanin-Martić istakla je da su na ovu sjednicu Nezavisnog odbora, u skladu sa zaključkom s 37. sjednice Nezavisnog odbora, bili pozvani direktor Direkcije za koordinaciju policijskih tijela BiH Mirsad Vilić i zamjenik direktora Direkcije za koordinaciju policijskih tijela BiH Uroš Pena, a radi razmatranja okolnosti iz Informacije Direkcije za koordinaciju policijskih tijela BiH, broj: 20-02/1-07-6-614-13/17, od 19.9.2017., zaprimljene u Pisarnici Parlamentarne skupštine BiH 20.9.2017., broj: 05/1-50-17-2268/17, ali da je direktor Direkcije za koordinaciju policijskih tijela BiH Mirsad Vilić uputio obavještenje da zbog službenog putovanja nije u mogućnosti prisustvovati sjednici. Dalje, informirala je članove Nezavisnog odbora o materijalima u vezi s ovom tačkom dnevnog reda.

Nakon razgovora sa zamjenikom direktora Direkcije za koordinaciju policijskih tijela BiH Urošom Penom, otvorena je rasprava povodom ove tačke dnevnog reda, nakon koje je jednoglasno donesen sljedeći

ZAKLJUČAK

Shodno odredbama člana 3. stav 1. tačka d) Zakona o nezavisnim i nadzornim tijelima policijske strukture BiH („Službeni glasnik BiH“, broj 36/08), te člana 8. stav 1. tačka e) i člana 15. stav 1. Poslovnika o radu Nezavisnog odbora kao nezavisnog tijela policijske strukture BiH („Službeni glasnik BiH“, broj 93/09), na osnovu Informacije Direkcije za

koordinaciju policijskih tijela BiH, broj: 20-02/1-07-6-614-13/17, od 19.9.2017. (zaprimljeno u Pisarnici Parlamentarne skupštine BiH 20.9.2017., broj: 05/1-50-17-2268/17), Nezavisni odbor Parlamentarne skupštine BiH inicira pokretanje disciplinskog postupka protiv zamjenika direktora Direkcije za koordinaciju policijskih tijela BiH Uroša Pene.

Također, odlučeno je da se o predmetnom zaključku obavijesti ministar sigurnosti BiH.

Ad.3. Tekuća pitanja

U sklopu ove tačke dnevnog reda predsjednica Nezavisnog odbora Tatjana Klječanin-Martić istakla je da su, u skladu sa zaključcima s 37. sjednice Nezavisnog odbora, Direkciji za koordinaciju policijskih tijela BiH, Državnoj agenciji za istrage i zaštitu i Graničnoj policiji BiH upućeni dopisi za dostavljanje podataka o isteku mandata rukovodilaca i zamjenika rukovodilaca ovih policijskih tijela i eventualnom ispunjavanju uslova za odlazak u penziju, kao i podataka odnosno tabelarnog prikaza o nacionalnoj zastupljenosti policijskih službenika po organizacionim jedinicama i činovima u tim policijskim agencijama i procentom zastupljenosti konstitutivnih naroda i ostalih, te navela koji su podaci, koji su po prijemu proslijeđeni članovima, pristigli do održavanja ove sjednice.

Nakon toga, članovi Nezavisnog odbora dogovorili su se da će se nakon prijema svih podataka zatraženih u skladu sa zaključcima s 37. sjednice Nezavisnog odbora i njihovog razmatranja odrediti timovi za posjete ovim policijskim agencijama, a jednoglasno je donesen **zaključak** da će, u skladu s Planom i programom Nezavisnog odbora za 2017. godinu, Tatjana Klječanin-Martić, predsjednica Nezavisnog odbora, Enes Obralića, prvi zamjenik predsjednice, i Mato Jozić, drugi zamjenik predsjednice, održati sastanak s ministrom sigurnosti BiH.

U okviru ove tačke dnevnog reda članovi Nezavisnog odbora otvorili su i pitanje u vezi s naknadama za rad u Nezavisnom odboru, te su nakon rasprave jednoglasno donijeli **zaključak** da se o ovom pitanju uputi dopis Zajedničkoj komisiji za administrativne poslove Parlamentarne skupštine BiH, te utvrdili njihov sadržaj.

Također, u okviru ove tačke dnevnog reda razgovarano je o aktivnostima u vezi s raspisivanjem javnog konkursa za pozicije rukovodilaca i zamjenika rukovodilaca iz nadležnosti Nezavisnog odbora kojima ističe mandat u 2018. godini, pa je dogovoreno da se

do naredne sjednice pripremi nacrt odluke i teksta javnog konkursa za provođenje procedure odabira kandidata za izbor direktora i zamjenika direktora policijskih tijela Bosne i Hercegovine.

Predsjednica Nezavisnog odbora Tatjana Klječanin-Martić zaključila je sjednicu u 19,10 sati.

SEKRETAR
NEZAVISNOG ODBORA

Ivana Lovrić

PREDSJEDNICA
NEZAVISNOG ODBORA

Tatjana Klječanin-Martić